

Broj : 01-194 /13
Dana : 18.03.2013 godine

SKUPŠTINA KANTONA SARAJEVO
predsjedavajuća Skupštine

**PREDMET: Poslaničko pitanje i inicijativa Elmedin Konaković, odgovor,
d o s t a v l j a s e;**

Poslanik Elmedin Konaković je na 24. Radnoj sjednici Skupštine Kantona Sarajevo, održanoj dana 11.02.2013 godine, u okviru tačke Dnevnog reda “Poslanička pitanja, inicijative i odgovori”, a u skladu sa Poslovnikom Skupštine Kantona Sarajevo, pokrenuo je inicijativu i postavio poslanička pitanja i iste dostavio u pisanoj formi.

Poslaničko pitanje 1:

Molim da mi u što kraćem roku dostavite tačne informacije o kontroli taxi saobraćaja u Kantonu Sarajevo. Broj kontrolisanih vozila, broj vozila sa neispravnom dokumentacijom, broj pokrenutih prijava...

Poslaničko pitanje 2:

Molim vas da mi precizirate, da li policija u okviru svojih aktivnosti može kontrolisati ispravnost dokumentacije potrebne za obavljanje taxi djelatnosti?

Poslaničko pitanje 3:

Molim nadležne organe da u sklopu aktivnosti kojima se reguliše zakonitost obavljanja taxi djelatnosti, popravi analiza vraćanja poreskih dugova onih koji vraćaju dug. Ukoliko dinamika vraćanja dugova nije realna, molim nadležne da predlože dinamiku u skladu sa mogućnostima dužnika.

Odgovor na poslaničko pitanje 1:

Poličijski službenici MUP-a KS su tokom 2011. godine u sklopu svakodnevnih aktivnosti ukupno kontrolisali 708 taxi prijevoznika pri čemu je izdato 211 prekršajnih naloga, a Kantonalnoj upravi za inspekcijske poslove – inspektorima za saobraćaj dostavljeno je 171 službena zabilješka, za slučajeve za koje je predviđeno donošenje upravne mjere otklanjanja utvrđenih nedostataka, privremene zabrane obavljanja djelatnosti, isključenja vozila iz prometa ili oduzimanja vozila, obzirom da su navedene aktivnosti u nadležnosti Uprave za inspekcijske poslove Kantona Sarajevo, a ne policije. Tokom 2012. godine ukupno su kontrolisali 885 taxi prijevoznika, pri čemu je izdato 89 prekršajnih naloga, a Kantonalnoj upravi za inspekcijske poslove – inspektorima za saobraćaj dostavljeno je 218 službenih zabilješki.

Odgovor na poslaničko pitanje 2:

Obzirom da je odredbama člana 79. stav (3) Zakona o izmjenama i dopunama Zakona o cestovnom prijevozu Federacije BiH ("Službene novine F BiH", broj 28/06 i 2/10) propisano da policijski službenici vrše nadzor nad provođenjem odredbi člana 10. stav (2) alineja 2. ovog Zakona, znači da policijski službenici postupaju i u skladu s odredbama Odluke o taksi prijevozu ("Službene novine Kantona Sarajevo" broj: 10/04), u pogledu potrebne dokumentacije za obavljanje taksi prijevoza, do donošenja novog propisa od strane Skupštine Kantona, u skladu s ovim Zakonom, kojim se utvrđuju uslovi, način i specifičnosti organizacije vršenja prijevoza putnika ili tereta na području Kantona Sarajevo. Navedeni propis nije donezen u roku od 90 dana, niti je to učinjeno do današnjeg dana, što predstavlja značajnu smetnju za vršenje nadzora pri kontroli taksi prijevoza od strane policijskih službenika. Neuskladjeni propisi, Odluka o taksi prijevozu ("Službene novine KS" broj: 10/04) i Zakon o izmjenama i dopunama Zakona o cestovnom prijevozu Federacije BiH ("Službene novine F BiH", broj: 28/06 i 2/10), doveli su do toga da je Kantonalni sud u Sarajevu, kao drugostepeni sud zauzeo stav da i policijski službenici, isto kao inspektori za cestovni saobraćaj koji postupaju po Zakonu o inspekcijama F BiH, moraju sačinjavati zapisnik prilikom vršenja nadzora taksi prijevoza, što je imalo za posljedicu donošenje rješenja od strane suda kojim se pokrenuti prekršajni postupci od strane policije protiv nelegalnih taksi prijevoznika obustavljaju.

Imajući u vidu da nadležni organ Kantona Sarajevo nije uskladio propise iz člana 10. i 42., a što je trebao učiniti shodno odredbi člana 103. stav 2. Zakona o cestovnom prijevozu Federacije BiH, gdje je navedeno da će primjenjivati važeći propisi Kantona, odnosno grada i općine ukoliko nisu u suprotnosti sa Zakonom o cestovnom prijevozu Federacije BiH, upitno je da li policijski službenici uopšte mogu vršiti nadzor nad provođenjem Odluke o taksi prijevozu Kantona Sarajevo.

Odgovor na poslaničko pitanje 3:

Navedeno pitanje ne spada u nadležnost Ministarstva unutrašnjih poslova Kantona Sarajevo.

S poštovanjem,

MINISTAR

Dipl. pravnik Nermin Pećanac